



KARATE SAVEZ FEDERACIJE  
BOSNE I HERCEGOVINE



# **P R A V I L N I K**

# **KOMISIJE ZA ZVANJA**

**Sarajevo, 29.11.2023.god.**

## SADRŽAJ

1	Opšte odredbe	str.3
2	Djelatnost Komisije	str.3
3	Sticanje statusa licencnog ispitivača karate saveza F BiH	str.4
4	Prava i obaveze licencnog ispitivača karate saveza F BiH	str.6
5	Sistem pojaseva i uvjeti za polaganje	str.6
6	Polaganje za učenička zvanja	str.7
7	Polaganje za majstorska zvanja	str.8
8	Polaganje za majstorska zvanja zvanja 6. DAN i viših	str.9
9	Polaganje za učenička i majstorska zvanja van kluba i KS F BiH	str.9
10	Verifikacija karate zvanja stečenih van institucija KS F BiH	str.9
11	Počasni pojasevi	str.9
12	Izdavanje diploma, potvrđivanje postojećih i ovjeravanje diploma stečenih izvan Federacije Bosne i Hercegovine	str.10
13	Naknada za rad ispitivača-instruktor	str.10
14	Naknada za rad ispitivača-instruktor	str.11
15	Prijelazne i završne odredbe	str.11

PRILOG: Program za polaganje za zvanja od 9 kyu do 5. DAN

## OPŠTE ODREDBE

### Član 1.

Komisija za zvanja Karate saveza Federacije Bosne i Hercegovine (u daljnjem tekstu *Komisija*) je stručno tijelo Upravnog odbora karate saveza F BiH (u daljnjem tekstu *UO*). Cilj osnivanja *Komisije* je podizanje kvalitete karatea te stručnosti Licenciranih ispitivača karate saveza F BiH (u daljnjem tekstu *Ispitivača*).

### Član 2.

Osnovni zadaci *Komisije* su: unaprjeđivanje znanja Ispitivača, organiziranje seminara za Ispitivače, donošenje Programa za polaganje, organizovanje ispita za viša zvanja, ovjeravanje i izdavanje diploma za položene pojaseve, utvrđivanje visine pojasa kao uvjet za nastup takmičara, utvrđivanje visine ispitne takse, utvrđivanje visine takse za licenciranje, utvrđivanje nužnih uvjeta za pristup polaganju, priznavanje diploma koje nisu stečene prema uvjetima u Pravilniku, izdavanje dopuštenja za polaganje izvan Federacije Bosne i Hercegovine, predlaganje svih mjera koje mogu doprinijeti poboljšanju kvalitete karatea u zemlji, izrađivanje prijedloga i donošenje ostalih akata iz svoje nadležnosti.

### Član 3.

Mandat *Komisije* traje četiri godine. Ukoliko *Komisija* ne ispunjava svoje zadatke, UO je može razriješiti dužnosti i prije isteka mandata.

Komisiju čini 3 člana koje imenuje UO KS F BiH

Upravni odbor, prema potrebi, može mijenjati ili nadopunjavati pojedine članove *Komisije*, te smanjivati i povećaviti broj članova Komisije ukoliko se za time ukaže potreba.

Komisija ima sekretara.

### Član 4.

*Komisija* se sastaje najmanje 2 puta godišnje. Sastanke saziva predsjednik *Komisije* (u daljnjem tekstu *Predsjednik*), a po potrebi i UO, odnosno predsjednik KS F BiH-a. Na sastancima *Komisije* vodi se zapisnik.

Komisija je dužna jednom godišnje dostaviti izvještaj o radu Upravnom odboru Saveza. Troškove djelatnosti *Komisije* snosi KS F BiH.

## DJELATNOST KOMISIJE

### Član 5.

*Komisija* okuplja i organizira sve nositelje pojaseva u Karate savezu F BiH, bez obzira je li riječ o učeničkim (9. kyu do 1. kyu) ili majstorskim zvanjima (1. dan do 10. dan). Sticanje majstorskih zvanja od 6-og dana ostvaruje se pri KS BiH.

### Član 6.

*Komisija* je dužna voditi evidenciju svih nosilaca zvanja u Karate savezu F BiH. Podaci o nosiocima zvanja su javni.

Sve podatke o nositeljima zvanja *Komisija* je dužna redovito ažurirati te najmanje jednom godišnje objavljivati putem pisanog ili elektronskog medija.

## Član 7.

Nosioci pojaseva iz člana 5. imaju prava i obaveze određena ovima Pravilnikom. Ne pridržavanje odredbi Pravilnika povlači za sobom disciplinsku odgovornost.

## Član 8.

Nosioc bilo kojeg pojasa mora biti unesen u bazu podataka KS F BiH (Portal) i u člansku iskaznicu Karate saveza F BiH (karate pasoš).

Kandidati za sticanje novih zvanja-licenci mogu ostvarivati svoja prava samo na osnovu podataka iz Karate saveza F BiH (Portala).

Karate pasoš je obavezan za sve članove KS F BiH

## Član 9.

U slučaju spora u vezi evidentiranja karate zvanja-pojasa, jedini dokument kojim se dokazuje valjanost zvanja je originalna diploma karate saveza F BiH, karate pasoš i najava polaganja matičnog kluba.

## Član 10.

*Komisija* je dužna redovito, dva puta godišnje organizirati seminare za licenciranje. Navedeni se seminari moraju uvrstiti u kalendar KS F BiH-a. *Komisija* je dužna uputiti pozive klubovima najkasnije **30 dana prije** održavanja seminara.

U slučaju da kandidat ili klub imaju određene zahtjeve prema KS F BiH u vezi polaganja, dužni su najmanje 30 dana prije seminara dostaviti svoj zahtjev u pisanoj formi kako bi ga *Komisija* ili U.O. KS F BiH blagovremeno razmotrili i dostavili odgovor.

## **STICANJE STATUSA LICENCNOG ISPITIVAČA**

### Član 11.

Za pristup seminaru za licencne ispitivače kandidat mora da posjeduje opšte uslove;

- biti državljanin BiH (uvid u zvaničan dokumenat, lična karta BiH ili pasoš)
- biti punoljetan (uvid u zvaničan dokumenat, lična karta BiH ili pasoš)
- imati najmanje završenu srednju stručnu spremu - 4<sup>0</sup> (Uvid u fco Diplome)
- biti najmanje majstor karatea CP 1. dan (evidencija KS F BiH)
- imati validnu zvanje-diplomu KS F BiH-a (evidencija KS F BiH)
- biti član kluba koji je registriran u KS F BiH-u za tekuću godinu (uvid u Portal KS F BiH)

Kandidata za ispitivača na seminar može poslati isključivo klub, čiji kandidat je evidentirani član.

Prijavu putem Portala KS F BiH šalje klub, te ju je potrebno poslati 15 dana prije održavanja licencnog seminara.

Ispitivače za majstorska zvanja verifikuje U.O. KS F BiH na prijedlog *Komisije*.

## Član 12.

Licencni ispitivač (u daljnjem tekstu *Ispitivač*), postaje se;

- ispunjavanjem opštih uvjeta
- pohađanjem licencnog seminarra za ispitivače (aktivno učešće u radu usmeni i praktični dio)
- pismeni test

Stečene licenca vrijedi dvije (2) godine.

Nakon isteka licence ispitivač ne može biti u komisiji za polaganje.

Održavanje polaganja bez licence u suprotnosti je s ovim Pravilnikom te podliježe disciplinskim mjerama kako za pojedinca tako i za klub. Također u ovim slučajevima prijavljena zvanja se neće priznati.

## Član 13.

Seminar za licenciranje održava se dva puta godišnje. Visinu seminarske takse određuje UO.

## Član 14.

Shodno svome zvanju te rezultatima na testu, ispitivači su podijeljeni u sljedeće skupine: A, B, C, D, E i F. Svaka licenca omogućava održavanje polaganje za pojaseve kako slijedi: <b>zvanje ispitivača</b>	licenca	drži ispite za zvanje	Seminarska taxa za licenciranje
6. DAN i više	A	9. kyu - 5. dan	100 KM
5. DAN i više	B	9. kyu - 4. dan	100 KM
4. DAN	C	9. kyu - 3. dan	100 KM
3. DAN	D	9. kyu - 2. dan	100 KM
2. DAN	E	9. kyu - 1. dan	100 KM
1. DAN	F	9. kyu - 1. kyu	100 KM

## Član 15.

Kandidat za ispitivača dobiva licencu prema odredbama člana 14. ukoliko odgovori najmanje na 85% pitanja iz testa.

Ukoliko kandidat riješi 60 - 84 % pitanja, dobiva licencu za stepen niže.

Kandidat koji riješi manje od 60 % pitanja i oni kandidati koji nisu zadovoljni dobivenom licencom, mogu u roku 30 dana ponovo pristupiti ispitu. Cijena ponovnog testiranja je 50% iznosa od takse za licencu.

## Član 16.

Klub koji nema svoju komisiju za učenička zvanja (licencirane ispitivače) za tekuću godinu, na zahtjev kluba istome će *Komisija* za zvanja delegirati članove komisije sa regije kojoj pripada klub.

## PRAVA I OBAVEZE LICENCNOG ISPITIVAČA

### Član 17.

*Ispitivač* dobiva licencu za neograničen broj ispita za učenička i majstorska zvanja te pravo naplate taksi predviđenih ovim Pravilnikom, a u skladu sa svojom licencom u trenutku održavanja polaganja. Program polaganja, potrebni staž kandidata i sve ostalo što nije striktno propisano Pravilnikom, određuje sam Ispitivač.

### Član 18.

*Ispitivač* je tokom ispita dužan biti objektivan i nepristran te pravilno procijeniti kandidatovo znanje.

### Član 19.

*Komisija* je, nakon uspješno položenog ispita, dužan kandidatu uručiti pripadajuću diplomu KS F BiH-a a klub je dužan podatke o uspješno položenim kandidatima unijeti na Portal KS F BiH.

### Član 20.

U slučaju pismenog poziva iz drugog kluba (ne-matičnog kluba), *Ispitivač* može biti član komisije i u drugom kubu uz saglasnost *Komisije*.

### Član 21.

*Ispitivač* je dužan stalno usavršavati znanje karatea, pratiti nova dostignuća i osobno pridonositi razvoju karatea.

## SISTEM POJASEVA I POLAGANJE

### Član 22.

*Komisija* određuje sistem pojaseva, osnovne uslove koje kandidati moraju ispuniti, a Upravni odbor iznose taksi za polaganje za pojedina zvanja. Navedeni je sistem obavezan za sve *Ispitivače*.

rb	Preskakanje pojaseva nije dozvoljeno. Zvanje	Boja pojasa	Stož u prethodnom zvanju	Minimalna starosna dob	Ostali uvjeti	Taxa za polaganje
1	10 kyu	bijeli	-	*	-	-
2	9 kyu	bijelo-žuti	4 mjeseca	*	-	30 KM **
3	8 kyu	žuti	4 mjeseca	*	-	35 KM **
4	7 kyu	narandžasti	6 mjeseci	*	-	40 KM **
5	6 kyu	crveni	6 mjeseci	*	-	45 KM **
6	5 kyu	zeleni	6 mjeseci	*	-	50 KM **
7	4 kyu	plavi	6 mjeseci	*	-	55 KM **

8	3 kyu	ljubičasti	6 mjeseci	*	-	60 KM **
9	2 kyu	smeđi	12 mjeseci	*	-	65 KM **
10	1 kyu	smeđe-crni	12 mjeseci	*	-	70 KM **
	1. DAN - Tehnički	crni	1 godina	14 godina**	-	100 KM **
11	1. DAN	crni	1 godina	16 godina**	-	200 KM **
12	2. DAN	crni	2 godina	18 godina**	-	250 KM **
13	3. DAN	crni	3 godina	21 godina**	-	300 KM **
14	4. DAN	crni	4 godina	24 godine**	-	350 KM **
15	5. DAN	crni	5 godine	30 godina**	-	400 KM **
16	6. DAN	crni	6 godina	Pravilnik KS BiH	-	
17	7. DAN	crni	7 godine	Pravilnik KS BiH	-	
18	8. DAN	crni	8 godina	Pravilnik KS BiH	-	
19	9. DAN	crni	9 godina	Pravilnik KS BiH	-	
20	10. DAN	crni	10 godina	Pravilnik KS BiH	-	

\* prema samostalnoj odluci Ispitivača

\*\* prema Pravilniku

\*\*\* osobe iz člana 27 su oslobođenje plaćanja taxe za polaganje

### Član 23.

Polaganju mogu pristupiti samo oni kandidati koji ispunjavaju uvjete navedene u članu 22.

Kandidati koji ne ispunjavaju dio uslova ali će iste ispuniti do narednog polaganja (ljetni-zimski seminar) mogu pismenim putem zatražiti saglasnost *Komisije* i po odobrenju pristupiti polaganju.

Ukoliko kandidat ne ispunjava propisane uvjete, nema pismenu saglasnost *Komisije*, ispitivač ga je dužan na to upozoriti. Nije moguće izdati diplomu kandidatu koji ne ispunjava zadane uvjete.

## **POLAGANJE ZA UČENIČKA ZVANJA**

### Član 24.

Polaganja za učenička zvanja (9. kyu do 1. kyu-a) održava se u okviru kluba.

Klub je dužan najaviti polaganje KS F BiH (putem Portala KS F BiH) najkasnije 15 dana prije polaganja i pribaviti diplome za učenička zvanja putem kancelarije saveza.

Polaganje se odvija izvođenjem programa za polaganje i to maksimalno;

4 kandidata u redu za izvođenje tehnika i 2 kandidata za izvođenje kata.

Komisija može na polaganju dodijeliti kandidatu i veće zvanje od onog za koje polaže za 1 stepen u koliko to tehnički zadovoljava, posebno ako se radi o nižim učeničkim zvanjima a kandidati su starije uzrasne dobi.

Komisiju čine, minimalno tri licencirana ispitivača koje odredi Komisija za zvanja KS F BiH na prijedlog matičnog kluba. Da bi kandidat položio, za istog moraju glasati najmanje dva člana komisije.

Predsjednik ispitne komisije je ispitivač sa najvećom licencom od imenovanih članova komisije a minimalno mora posjedovati 2.dan bez obzira na zvanje kandidata koji polažu. Klub koji nema Ispitivača sa minimalnim zvanjem 2.dan predložiće ispitivača iz drugog kluba.

Klub je dužan podatke o uspješno položenim kandidatima unijeti na Portal KS F BiH u roku od dva (2) radna dana od održanog polaganja.  
Isplatu troškova komisiji vrši klub odmah posle polaganja a naj kasnije u roku od dva (2) radna dana od dana održavanja polaganja ako je u pitanju žiralno plaćanje.

## **POLAGANJE ZA MAJSTORSKA ZVANJA**

### Član 25.

#### **Opšti uslovi**

Polaganja za majstorska zvanja organizuje KS F BiH, održavaju se minimalno 2 puta godišnje.

Polaganja se održavaju pred najmanje tročlanom komisijom koji si nalaze na listi ispitivača, odobreno od strane U.O. KS F BiH .

Svi članovi komisije moraju imati adekvatnu licencu-veće zvanje za 1<sup>o</sup> od kandidata koji polaže za novo zvanje.

Ispitnu komisiju imenuje *Komisija* za zvanja KS F BiH, predsjedava joj ispitivač s najvećom licencom-zvanjem.

Da bi kandidat položio za istog moraju glasati najmanje dva člana komisije.

Komisija za zvanja dužna je obavijestiti pismeno članove Ispitne komisije, najmanje 7 dana prije polaganja za majstorska zvanja.

Polaganju za majstorska zvanja obavezno prisustvo ljekara.

Sekretar (Saveza) dužan je unijeti podatke na Portal KS F BiH o kandidatima koji su uspješno položili ispit.

*Isplatu troškova komisiji vrši KS F BiH odmah posle polaganja a naj kasnije u roku od 5 radnih dana od održavanja polaganja.*

Polaganje za navedena zvanja je javno.

#### **Posebni uslovi**

Da bi kandidat pristupio polaganju za majstorska zvanja su obavezan je prisustvovati karate seminaru, uz minimalno prisustvo na tri predavanja-treninga (75% ukupnih aktivnosti predviđenih programom seminara)

Polaganje se sastoji iz pismenog (test) i praktičnog dijela (kihon, kate, kumite) po Programu za polaganje gdje je kandidat dužan da poznaje sve tehnike i elemente iz kata (stavovi, blokovi, udarci, udarne površine i slično) a što će odgovarati na usmene upite članova Komisije.

Kandidat koji ne zadovolji pismeni dio (80% tačnih odgovora) ne može pristupiti polaganju iz praktičnog dijela. Odgovori na usmena pitanja služe članovima komisije kod donošenja konačne odluke.

Prijava za polaganje je isključivo na popunjenim obrascima sa Portala KS F BiH (nepotpuna prijava se neće prihvatiti).

Kandidati za 1.dan, čiji klubovi nisu najavili polaganja Komisiji za zvanja neće moći pristupiti polaganju a matični klub i članovi komisije biće procesuirani od strane Disciplinske komisije.

Treneri (muškarci preko 40.godina i žene preko 35.godina) oslobođeni su polaganja tehnika i rade samo kate po programu za polaganje, bunkai jedne kate po izboru i pojašnjenje jedne specijalke.

Kandidat koji ne položi za majstorsko zvanje, mora pauzirati minimalno 6 mjeseci.



## **STICANJE MAJSTORSKIH ZVANJA OD 6. DANA I VIŠE**

### Član 26.

Majstorska zvanja od 6. dana i više kandidati stiču se pred Komisijom za zvanja KS Bosne i Hercegovine.

## **POLAGANJE ZA UČENIČKA I MAJSTORSKA ZVANJA ZA PARA KARATISTE - INVALIDNE OSOBE**

### Član 27

Polaganje za učenička i majstorska zvanja kod Para karatista – invalidnih osoba vrši se u tri kategorije:

- para karatisti – invalidne osobe
- para karatisti – slijepi i slabovidne osobe
- para karatisti – osobe sa intelektualnim smetnjama

Polaganje za učenička zvanja vrši se unutar matičnog karate kluba, dok se polaganje za majstorska zvanja vrši pri KSF BiH, po individualnom programu u skladu sa potrebama i mogućnostima invalidnih osoba.

Navedene osobe su oslobođene taxe za polaganje.

## **POLAGANJE ZA UČENIČKA I MAJSTORSKA ZVANJA VAN KLUBA I KARATE SAVEZA F BiH**

### Član 28.

Kandidat koji želi polagati van matičnog kluba ili u okviru drugog saveza (seminar) kojeg priznaje KS BiH/KS F BiH može to učiniti uz prethodnu pismenu najavu i saglasnost matičnog kluba, pismenom najavom u roku od 30 dana prije polaganja a nakon saglasnosti *Komisije* za zvanja F BiH/KS BiH.

Kandidati iz drugih saveza, strani državljani, mogu polagati u klubovima i u okviru polaganja koje organizuje KS F BiH uz prethodnu najavu i saglasnost matičnog kluba/saveza odnosno saglasnost *Komisije* za zvanja KS F BiH.

Organizacija van institucionalnog polaganja strogo je zabranjena, klub i ispitivači biće suspendovani do okončanja disciplinskog postupka a stečena zvanja biće poništena.

## **VERIFIKACIJA KARATE ZVANJA STEČENIH VAN INSTITUCIJA KS F BIH**

### Član 29.

Kandidati koji su stekli zvanje van BiH dužni su verifikovati svoje zvanje pri KS F BiH/KS BiH podnošenjem zahtjeva Komisiji. Komisija je dužna u roku od 30 dana dostaviti saglasnost ili odbiti zahtjev. Žalba se upućuje U.O. koji je dužan u roku od 30 dana dostaviti svoju odluku. Odluka U.O. KS F BiH je konačna.

Nakon davanja saglasnosti Komisije (Odluke U.O.) kandidatu se izdaje Diploma KS F BiH i unosi u sistem (Portal)  
Taxa za verifikaciju je (300 KM).  
Verifikacija stečenog zvanja se vrši samo za ona zvanja koja su položena pred komisijama koje priznaje KS F BiH/KS BiH.

## **POČASNI POJASEVI - ZVANJA**

### Član 30.

*Komisija* može dodijeliti počasne pojaseve. Počasni se pojasevi načelno dodjeljuju za izniman doprinos karateu.

Dodjelu počasnih pojaseva iniciraju, klub, kantonalni/regionalni savezi, UO ili predsjednik KS-a F BiH. Prijedlog za dodjelu počasnog pojasa-zvanja sadrži detaljno obrazloženje razloga dodjele.

*Komisija* je dužna u pisanom obliku odgovoriti na zahtjev predlagatelja naj kasnije u roku od 30 dana.

Nositelji počasne diplome ne ostvaruje prava predviđena za nositelje diploma stečenih sustavom polaganja.

Na mjestu kandidata diploma mora sadržavati slijedeći tekst: POČASNO ZVANJE.

## **IZDAVANJE DIPLOMA, POTVRĐIVANJE PRIJE IZDANIH DIPLOMA I OVJERAVANJE DIPLOMA STEČENIH IZVAN FEDERACIJE BOSNE I HERCEGOVINE**

### Član 31.

Klub je dužan blagovremeno najaviti polaganje i pribaviti Diplome KS F BiH ( putem kancelarije KS F BiH ili od kantonalnih/regionalnih saveza).

Diplome saveza moraju biti ovjerene na poleđini pečatom KS F BiH.

Svaki kandidat koji položi za određeno zvanje, stiče pravo na pripadajuću diplomu KS F BiH-a, a njegovi podaci se unose u elektronsku bazu podataka KS F BiH (Portal).

Cijenu diploma za učenička i majstorska zvanja, određuje U.O. KS F BiH.

Cijena diplome, uračunata je u taksu za polaganje.

### Član 32.

Svaka diploma je ovjerena pečatom kluba (za učenička zvanja) i Saveza (za majstorska zvanja) te potpisana od strane predsjednika i članova ispitivačke komisije Počasne diplome potpisuje predsjednik KS F BiH-a i predsjednik Komisije za zvanja KS F BiH-a.

Isto tako, Ispitivač je dužan ovjeriti položeno karate zvanje i u iskaznici, karate pasošu KS F BiH-a, članu koji je položio.

## NAKNADA ZA RAD ISPITIVAČA - INSTUKTORA

### Član 33.

Ispitivačima – instruktorima, pored troškova putovanja i smještaja pripada naknada za stručni rad, koja se isplaćuje nakon polaganja. Visinu naknade određuje Upravni odbor Saveza.

Ispitivač - instruktor ima pravo na dnevnicu ako se aktivnost održava van njegovog kantona.

Ako se aktivnost održava 150 km od mjesta stanovanja ispitivač - instruktor tada ima pravo i na noćenje u hotelskom smještaju ili naknadu troškova u visini autobusne karte u oba smjera.

Naknada koja je važeća prema odluci Upravnog odbora je slijedeća:

-Ispitivači i instruktori sa A-B liste je 35 KM za jedan školski čas (45 minuta)

-Ispitivači – treneri sa C-D liste je 30 KM za jedan školski čas (45 minuta)

-Ispitivači – treneri sa E-F liste je 25 KM za jedan školski čas (45 minuta)

Naknade za tehnički rad i administrativno osoblje kao ispitivači (C-D)

Za predavače instruktore na licencnom seminaru važe isti uslovi.

Predavačima koji se angažuju sa strane, odnosno profesorima naknada se određuje putem ugovora o djelu prema stručnosti i iskustvu po dogovoru sa organizatorom seminara.

## PRIJELAZNE I ZAVRŠNE ODREDBE

### Član 33.

Tumačenje ovog Pravilnika daje *Komisija* za zvanja.

### Član 34.

Na odluke *Komisije*, moguća je žalba Upravnom odboru. Odluka Upravnog odbora je konačna.

### Član 35.

Ovaj je Pravilnik usvojen na sjednici Upravnog odbora Karate saveza F BiH održanoj 29.11. 2023. godine i stupa na snagu danom donošenja. Stupanjem na snagu ovog Pravilnika prestaje važiti Pravilnik *Komisije* za zvanja broj: 06-UO.P8/18 od 11.10.2018.godine.

Sarajevo, 29.11.2023.god.

Predsjednik KS F BiH

**Zlatko Brkić**